

PROPOZICIJE TAKMIČENJA



PROPOZICIJE TAKMIČENJA LIGA MLADIH RKS TUZLABIH U SEZONI 2021/2022 GODINE

I OPŠTEODREDBE

ČLAN 1.

Liga mladih Regionalnog košarkaškog saveza Tuzla (u daljem tekstu RKS Tuzla) igra se u okviru sistema takmičenja za omladinske selekcije u okviru RKS Tuzla.

Liga mladih RKS Tuzla igra se u tri starosne kategorije: Pioniri, Kadeti i Juniori.

U prvenstvu Lige mladih RKS Tuzla učestvuje 16 klubova.

Sistem takmičenja Lige mladih RKS Tuzla u takmičarskoj sezoni 2021-2022 godina odvija se u tri nivoa.

U prvom nivou takmičenja klubovi su razvrstani u dvije grupe sa po 8 klubova. Ekipe igraju po sistemu svako sa svakim ligu od 14 kola.

U drugom nivou takmičenja četiri prvoplasirane ekipe iz svake grupe pominiraju grupu za plasman od 1. do 8. mjesta a ekipe od 5. do 8. mjesta nastavljaju takmičenje u grupi za plasman od 9. do 16. mjesta.

U trećem nivou takmičenja četiri prvoplasirane ekipe iz grupe za plasman od 1. do 8. mjesta igraju ostvaruju plasman u Play Off pri čemu se odigravaju dvije polufinalne utakmice, utakmica za 3. mjesto i finalna utakmica. Pobjednik finalne utakmice Play Off-a postaje prvak Lige mladih za sezonu 2021/2022.

PROPOZICIJE TAKMIČENJA



Prve tri ekipe u sve tri kategorije će po završetku takmičenja dobiti pehare, a svi igrači i treneri medalje.

Domaćin Play off-a odredit će se na osnovu boljih ponuda ekipa koje se prijave za organizaciju Play off-a.

Termine odigravanja Play OFF-a određuje Komesar takmičenja po završetku lige.

Na snazi i dalje ostaje dluka da se u kadetskoj i pionirskoj konkurenciji ne igra bilo koji oblik zonske odbrane u zadnjem polju odbrambene ekipe.

Kazna za POSTAVLJANJE ZONE je prvo opomena trenera odbrambene ekipe, a nakon ponovljene greške trener se kažnjava dosuđenom Tehničkom greškom

ČLAN 2.

Utakmice Lige mladih RKS Tuzla u sezoni 2021/2022 godine, igraju se prema odredbama Košarkaških pravila Međunarodne košarkaške federacije (FIBA), odredbama ovih Propozicija i odredbama normativnih akata RKS Tuzla i KSBIH, koja se odnose na takmičenja.

ČLAN 3.

Organizaciju takmičenja, poštivanje odredbi Košarkaških pravila i ovih Propozicija, te ostalih pravilnika, provodi Komesar takmičenja Lige mladih RKS Tuzla. Komesara takmičenja određuje Predsjedništvo RKS Tuzla.

Komesar takmičenja registraciju utamica i odluke saopštava putem Biltena koji kreirana nakon svakog odigranog kola i Play Off-a.

PROPOZICIJE TAKMIČENJA



Svi bilteni i odluke Komesara takmičenja bit će dostupni i na web stranici RKS Tuzla.

ČLAN 4.

Za Ligu mladih RKS Tuzla u sezoni 2021/2022 godine objavljuju se prilozi Propozicija koje sadrže :

- raspored takmičenja i kalendar takmičenja
- zapisnik sa sastanka ligaša
- obrasci

ČLAN 5.

Utakmice Lige mladih RKS Tuzla u sezoni 2021/2022 godine, igraju se prema utvrđenom rasporedu i kalendaru takmičenja.

Utakmice Lige mladih RKS Tuzla igraju se po dvostrukom bod sistemu, (jedna utakmica kod kuće, jedna u gostima).

Utakmice Lige mladih RKS Tuzla u sezoni 2021/2022 godine, igraju se u vremenu koje odredi domaćin utakmice, s tim što utakmica ne može početi:

- subotom prije 8.00 ni poslije 20.00 sati
- nedjeljom prije 8.00 ni poslije 20.00 sati

Mjesto i vrijeme (dan i sat) odigravanja utakmice klub domaćin dužan je pismeno prijaviti Komesaru takmičenja pet (5) dana prije odigravanja utakmice.

Utakmice se mogu igrati i izvan naznačenih termina uz dogovor predstavnika obje. Odluku o promjeni utvrđenih termina donosi Komesar takmičenja. O postignutoj saglasnosti klubovi su obavezni, u pismenoj formi, obavijestiti Komesar takmičenja.

PROPOZICIJE TAKMIČENJA



Klub koji je prijavio utakmicu u određenom roku, a kasnije iz objektivnih razloga (koje mora dokazati validnom dokumentacijom) mijenja satnicu ili dvoranu, može to učiniti najkasnije dva dana (48 sati) prije prvobitno zakazanog termina.

Komesar takmičenja može, ukoliko smatra da je u interesu regularnosti takmičenja, odlučiti da se sve ili pojedine utakmice jednog kola igraju istog dana s početkom u isto vrijeme.

ČLAN 6.

Klubovi u pravilu ne mogu tražiti odlaganje utakmice osim u vanrednim okolnostima.

Otkazivanje utakmica je moguće uz saglasnost oba kluba i Komesara takmičenja.

Otkazanu utakmicu klubovi su dužni odigrati u roku 15 dana od kola u kojem se trebala ista odigrati.

Ako u roku od 15 dana domaćin ne dostavi termin koji je usaglasio sa gostujućom ekipom utakmicu gubi službenim rezultatom (20:0).

Ako gostujuća ekipa u roku 15 dana ne prihvati ponuđene termine odigravanja utakmica koju je domaćin predložio gubi utakmicu službenim rezultatom.

Konačnu odluku o odlaganju utakmice ili kompletnog kola donosi Komesar takmičenja.

Prekinuta utakmica zbog opravdanog razloga ili usljed više sile nastavlja se tako što se u momentu prekida utakmice uzimaju u obzir vrijeme i rezultat.

PROPOZICIJE TAKMIČENJA



II TEHNIČKI NORMATIVI

ČLAN 7.

Utakmice Lige mladih RKS Tuzla igraju se u dvoranama, koje je odobrila Takmičarska komisija RKS Tuzla i za iste utvrdila da zadovoljavaju minimalne uslove za odigravanje utakmica u ovom takmičenju.

Temperatura u dvorani u kojoj se odigrava utakmica mora iznositi najmanje 15 stepeni Celzijusa.

Dvorana mora imati najmanje po jednu svlačionicu za svaku ekipu i za sudije, koje moraju biti zaključane i čuvane.

Domaćin susreta dužan je prije početka utakmice, a po izlasku na teren za igru staviti na raspolaganje gostujućoj ekipi 2 ispravne lopte za zagrijavanje, a prvom sudiji utakmice loptu s kojom će se igrati.

ČLAN 8.

Domaće ekipe su dužne na raspolaganju imati dvije garniture dresova u različitim bojama, kako i se izbjeglo da ekipe na teren izađu u dresovima iste boje.

Ekipe su dužne dan prije odigravanja utakmice u međusobnoj komunikaciji usaglasiti boje dresova u kojima će nastupiti. U slučaju neusaglašavanja, domaćin je dužan koristiti drugu garnituru dresova.

Dresovi su obilježeni prema odredbama košarkaških Pravila.

ČLAN 9.

Ukoliko se na igralištu nalazi razglasni uređaj osoba koja govori na mikrofону nalazi se za posebnim stolom pokraj zapisničkog stola.

PROPOZICIJE TAKMIČENJA



Razglasni uređaj služi samo za davanje obavještenja o utakmici.

Nije dopušteno korištenje mikrofona za poticanje navijača, komentarisanja, suđenja i slično.

III EKIPE, TRENERI I SLUŽBENE OSOBE

ČLAN 10.

Na utakmicama Lige mladih RKS Tuzla sezone 2021/2022 godine, mogu nastupiti igrači koji su licencirani za igru od strane Regionalnog košarkaškog saveza Tuzla.

Licenciranje igrača vršit će se u skladu sa važećim Registracionim pravilnikom KS BiH i Propozicijama takmičenja.

Svaka ekipa sastoji se od najviše 12 igrača.

Minimalni broj igrača koji mora nastupiti na utakmici je 8 (osam). Ukoliko ekipa ima manje od osam igrača prije podbacivanja, utakmica se neće igrati i bit će registrovana službenim rezultatom.

Ukoliko jedna ekipa ima manje od osam igrača prije odbacivanja, utakmica se može igrati uz pismeni pristanak službenog predstavnika druge ekipe, koji evidentira komesar ili prvi sudija utakmice.

- Pioniri su igrači rođeni 2009. godine i mlađi,

- Kadeti su igrači rođeni 2005. godine i mlađi

- Juniori su igrači rođeni 2003. godine i mlađi (uz pravo nastupa četiri igrača rođena 2001. godine od kojih dva istovremeno mogu biti u igri).

Trener ili Službeni predstavnik ekipe dužan je 20 minuta prije početka utakmice predati komesaru utakmice na **ZVANIČNIM OBRASCIMA LIGE** dostaviti Listu igrača, trenera, službenih osoba (propisani obrazac) i drugih timskih pratilaca, licence igrača, trenera,

PROPOZICIJE TAKMIČENJA



pomoćnike trenera, ljekara, fizioterapeuta i službenog predstavnika kluba.

Ukoliko na utakmici nastupi igrač koji nije uredno registrovan, klub gubi utakmicu službenim rezultatom i biti će kažnjen u skladu sa Propozicijama ovog takmičenja.

ČLAN 11.

Ljekarski pregled svih licenciranih igrača obaveza je klubova prije početka takmičenja. Dokumentaciju o izvršenom ljekarskom pregledu klubovi su dužni arhivirati, te predložiti Komesaru takmičenja u slučaju da za to postoji potreba (zahtjev nadležnih organa kod nesretnog slučaja).

Dužnost trenera i pomoćnika trenera mogu obavljati samo osobe koje posjeduju trenersku licencu, izdatu i ovjerenu za sezonu 2021/2022.

ČLAN 12.

Na klupi za rezervne igrače mogu sjediti samo osobe koje su navedene u "Listi igrača i službenih osoba".

Komesar takmičenja može odbiti izdavanje licence predloženoj osobi ukoliko procijeni da njegovo dosadašnje ponašanje nije bilo na potrebnoj sportskoj visini ili povući licencu ukoliko ovakvi razlozi nastanu tokom takmičenja. U tom slučaju klub ima pravo predložiti nove osobe.

ČLAN 13.

PROPOZICIJE TAKMIČENJA



Službeni predstavnik domaćina, u ime kluba domaćina, odgovoran je komesaru utakmice (prvom sudiji ako nema komesara) za organizaciju utakmice. Po dolasku službenih lica u dvoranu domaćin je dužan saopštiti Komesaru utakmice koja osoba obavlja dužnost službenog predstavnika.

Službeni predstavnik isključivo ostvaruje komunikaciju sa službenim licima delegiranim od Komesara takmičenja (komesar, sudije i pomoćne sudije) u predviđenom vremenu i na način propisan službenim pravilima igre.

Za vrijeme utakmice službeni predstavnik kluba domaćina mora sjediti na klupi za rezervne igrače ekipe domaćina.

Službeni predstavnik može biti i osoba koja obavlja druge funkcije u klubu: trener, član rukovodstva, ljekar i sl. a u tom slučaju u Prijavnoj listi može biti naveden na dva mjesta.

ČLAN 14.

Igračima, trenerima, pomoćnim trenerima i predstavnicima klubova zabranjuje se davanje izjava u medijima i komentarisanje na društvenim mrežama, koje izlaze iz okvira sportskog ponašanja a odnose se na rad službenih lica. Također nije dozvoljeno davanje na uvid neslužbenim osobama dokumenta vezanih za utakmicu.

ČLAN 15.

Osim službenih predstavnika kluba, svaki klub sudionik Lige mladih RKS Tuzla sezone 2021/2022 godine određiće jednu odgovornu osobu kluba za ovlašteno službeno kontaktiranje sa Komesarom takmičenja.

IV KOMESAR, SUDIJE I POMOĆNE SUDIJE

KOMESAR

PROPOZICIJE TAKMIČENJA



ČLAN 16.

Funkciju komesara na utakmicama Lige mladih RKS Tuzla sezone 2021/2022 godine obavljaju osobe koje se nalaze na "Listi komesara" utvrđenoj nakon završenog testiranja prije početka takmičenja.

Nominaciju komesara na utakmicama Lige mladih RKS Tuzla sezone 2021/2022 godine obavlja Komesar za nominaciju službenih lica.

ČLAN 17.

Komesar kontroliše kartone pomoćnih sudija, igrača, službenog predstavnika kluba, trenera, pomoćnika trenera, ljekara i fizioterapeuta.

Komesar je dužan pratiti zbivanja u gledalištu i igralištu i, u slučaju ako je to potrebno, izvještavati sudije kako bi oni mogli pravovremeno poduzeti odgovarajuće mjere.

Komesar je odgovoran za rad pomoćnih sudija za zapisničkim stolom.

ČLAN 18.

Disciplinsku odgovornost komesara konstatuje i riješava Komesar takmičenja.

ČLAN 19.

Komesarima se zabranjuje komentarisanje za javnost svih momenata u vezi sa odigranom utakmicom.

SUDIJE

PROPOZICIJE TAKMIČENJA



ČLAN 20.

Utakmice Lige mladih RKS Tuzla sezone 2021/2022 godine sude sudije sa "Liste sudija" koja je utvrđena nakon završenog testiranja, prije početka takmičenja.

Klubovi ne mogu tražiti izuzeće sudija s utvrđene liste.

Nominaciju sudija za utakmice Lige mladih RKS Tuzla sezone 2021/2022 godine obavlja Komesar za nominaciju službenih lica.

Sudije su dužne o eventualnoj spriječenosti angažmana ovom takmičenju obavijestiti Komesara takmičenja prije nego što se izvrši nominacija.

Sudije su dužne potvrdu nominacije izvršiti odmah a najkasnije 24 sata po prijemu iste, u protivnom će se smatrati da je ista neopravdano otkazana. Nominacija se potvrđuje pismenim putem.

ČLAN 21.

Ukoliko jedan ili obojica sudija ne dođu na utakmicu, komesar određuje zamjenu među prisutnim sudijama sa Liste sudija.

Ukoliko ne postoji uvjet za ispunjavanje prethodnog stava, komesar će odložiti utakmicu o čemu je isti dužan odmah obavijestiti Komesara takmičenja.

Odluku o novom terminu odigravanja utakmice donijet će Komesar takmičenja.

Ovakvo nastale troškovi snosi organizator takmičenja.

ČLAN 22.

Sudije su potpuno samostalni u donošenju odluka.

Prvi sudija smatra se odgovornim u djelokrugu ovlaštenja propisanih košarkaškim Pravilima.

PROPOZICIJE TAKMIČENJA



ČLAN 23.

Prvi sudija odlučuje o prekidu utakmice, djelomičnom ili potpunom pražnjenju dvorane u slučaju da gledaoci nesportskim navijanjem, uvredljivim i vulgarnim dobacivanjem vrijeđaju jednu od ekipa, sudije ili službene osobe.

Odluku o nastavku utakmice u djelimično ili potpuno ispražnjenoj dvorani ili definitivnom prekidu utakmice, također donosi prvi sudija utakmice.

ČLAN 24.

Sudijama se zabranjuje komentarisanje, za javnost, svih momenata u vezi sa odigranom utakmicom.

Sudije su dužne nakon utakmice obaviti sve obaveze vezane za utakmicu.

Nakon utakmice sudije i pomoćne sudije mogu napustiti dvoranu tek po odobrenju komesara.

ČLAN 25.

Disciplinsku odgovornost sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.

U slučajevima vezanim za povrede ovih Propozicija, kaznu izriče Komesar Takmičenja, a u slučaju povrede košarkaških Pravila kaznu izriče Komesar takmičenja, na osnovu stručnog mišljenja nadležnog organa Sudijske Komisije RKS Tuzla.

POMOĆNE SUDIJE

ČLAN 26.

Pomoćne sudije, obučene od strane nadležnog Košarkaškog saveza obezbjeđuje klub domaćin.

PROPOZICIJE TAKMIČENJA



Za delegiranje sudija u mjestima u kojima djeluje lokalna ili regionalna nadležna sudijska organizacija ona delegira pomoćne sudije, a troškove njihovog angažmana snosi klub domaćin.

ČLAN 27.

Pomoćne sudije moraju objektivno obavljati svoje dužnosti, bez komentarisanja odluka službenih lica i ponašanja drugih aktera utakmice.

Pomoćne sudije koji ne poštuju odredbe košarkaških Pravila i svoju dužnost ne obavljaju u skladu s ovim Propozicijama, a time utiču na regularnost utakmice, mogu smijeniti same Sudije.

Zamjena pomoćnih sudija može se izvršiti i na prijedlog komesara.

Disciplinsku odgovornost pomoćnih sudija koji ne poštuju odredbe košarkaških Pravila i svoju dužnost neobavljaju u skladu s ovim Propozicijama, konstatuje i riješava Komesar takmičenja.

V - PROTOKOL KOMESARA UTAKMICE

ČLAN 28.

Nakon utakmice komesar je dužan sastaviti Izvještaj o odigranoj utakmici u zvaničnom obrascu Lige.

Dio obrasca popunjavaju i službeni predstavnici ekipa i prvi sudija, a svojim potpisom potvrđuju autentičnost napisane izjave.

Ukoliko na utakmici nije prisutan komesar, za popunjavanje obrasca je zadužen prvi sudija

Domaćin utakmice je dužan obezbijediti obrasce i prostor za neometano ispunjavanje obrasca Izvješataja utakmice.

PROPOZICIJE TAKMIČENJA



Izvještaj komesara utakmice, zajedno sa zapisnikom utakmice, komesar je dužan dostaviti lično u kancelariju RKS Tuzla prvog radnog dana nakon odigravanja utakmice do 10,00 sati.

Ukoliko je komesar utakmice spriječen dostaviti izvještaj lično isti je potrebno skenirati i poslati putem elektronske pošte u predviđenom roku, a orginale dostaviti nakna dno.

ČLAN 29.

Dopunski izvještaj komesara se sastavlja u slučajevima prekida utakmice, nasilnog ponašanja bilo kojeg aktera utakmice, publike ili trećih lica koja su dio utakmice. Izvještaj se sastavlja u jednom primjerku i dostavlja komesaru takmičenja.

Komesar takmičenja Dopunski izvještaj može zahtjevati i od sudija i predstavnika klubova, koji se dostavljaju naknadno putem elektronske pošte.

ČLAN 30.

Sudija koji je donio odluku o isključenju igrača, trenera ili službenih osoba, dužan je obavijestiti komesara o razlogu isključenja i da li podnosi prijavu.

Ukoliko komesar i sudije podnose prijavu, dužni su opisati sve sporne trenutke u vezi sa disciplinskim prekršajem.

ČLAN 31.

Na posebnom obrascu, podnosi se prijava protiv izvršioca disciplinskog prekršaja. Komesar u posebnom izvještaju obavezno sasluša izvršioca prekršaja.

Zapisnik sa saslušanja obavezno potpisuje izvršilac prekršaja.

PROPOZICIJE TAKMIČENJA



Službena lica niti drugi akteri koji učestvuju u procesu prijave protiv izvršioca disciplinskog prekršaja ne smiju o navodima sa utakmice obavještavati javnost putem medija, lično ili putem društvenih mreža.

VI - DUŽNOSTI DOMAĆINA UTAKMICE

NAJAVA UTAKMICE

ČLAN 32.

Domaćin utakmice pismeno obaviještava nadležnu sudijsku organizaciju (koja određuje pomoćne sudije), o vremenu i mjestu odigravanja utakmice.

Mjesto, dan i sat odigravanja utakmice klub domaćin dužan je pismeno prijaviti najkasnije pet dana prije odigravanja utakmice.

Ukoliko komesar takmičenja odluči da je za neku utakmicu potrebno osigurati dodatne sigurnosne uslove za odigravanje utakmice, domaćin je dužan prijaviti mjesto, dan i vrijeme odigravanja utakmice nadležnoj stanici javne bezbjednosti 48 sati prije njezina održavanja, odnosno u vremenu u kojem to zahtijeva nadležna stanica JB/PU.

ČLAN 33.

Domaćin utakmice je dužan komesaru utakmice 30 minuta prije početka utakmice dostaviti sve potrebne obrasce (Izveštaj komesara utakmice i obrazac za izbor naboljeg igrača), a zapisničkom stolu službeni zapisnik.

BEZBJEDNOST UČESNIKA, GLEDAOCI

ČLAN 34.

PROPOZICIJE TAKMIČENJA



Domaćin je dužan na svakoj utakmici odrediti osobu zaduženu za obezbjeđivanje uslova za sigurno odigravanje utakmice. Ta osoba može biti redar, angažovana redarska služba ili službeni predstavnik, koja je dužna na zahtjev službenih lica osigurati sigurnost svih učesnika utakmice.

Na zahtjev prvog sudije, osoba za obezbjeđivanje uslova za sigurno odigravanje utakmice mora osigurati da treća lica koja ugrožavaju bezbjednost bilo kojeg učesnika u utakmici napuste mjesto odigravanja utakmice.

Ukoliko to domaćin utakmice nije u mogućnosti uraditi, utakmica se prekida, a o daljim postupcima odlučuje Komesar takmičenja.

Domaćin je dužan osigurati osobe i pribor za sušenje mokrog dijela igrališta.

Osoba odgovorna za sprovođenje ovih odredbi je službeni predstavnik kluba.

Domaćin utakmice dužan je organizovati i sprovesti sve aktivnosti propisane Protokolom COVID-19. Dokumentaciju vezanu za COVID-19 domaćin je dužan arhivirati i istu čuvati do kraja takmičarske sezonea po potrebi staviti na uvid i nadležnim organima.

ČLAN 35.

Dužnost domaćina je da poduzme sve potrebne mjere koje osiguravaju normalni tok odvijanja utakmice.

Domaćin snosi punu odgovornost za sve prekršaje i incidente koji se dogode na samoj utakmici ili neposredno u vezi s njom.

PROPOZICIJE TAKMIČENJA



Za incidente koje učine gostujući članovi tima, timski pratioci ili navijači odgovoran je i gostujući klub.

Nije dozvoljeno nesportsko navijanje koje podstiče na nasilje, vrijeđanje na nacionalnoj, vjerskoj i rasnoj osnovi kao i navijanje koje onemogućava normalni tok utakmice (buka orkestra, zvučna pojačala, eksplozivna sredstva i sl.).

Domaćin ne smije dozvoliti posjetiocima da na bilo koji način povrijede prostor za igru unutar ograde.

U slučaju nereda na terenu ili u dvorani, domaćin mora poduzeti sve mjere i potpuno zaštititi sve članove obje ekipe, sudije i komesara.

Dužnost domaćina je da osigura njihov nesmetan odlazak u svlačionicu, a članovima gostujuće ekipe, sudijama i komesaru odlazak iz grada.

Svaki pokušaj napada na obje ekipe ili službena lica bit će NAJSTROŽIJE kažnjen.

ČLAN 36.

Za svaki prekršaj koji učini klub domaćin, komesar takmičenja izreći će kaznu u skladu s kriterijama za izricanje kazni prema ovim Propozicijama i Disciplinskom pravilniku KS BiH.

ZDRAVSTENA ZAŠTITA

ČLAN 37.

Domaćin na svakoj utakmici osigurava materijal za ukazivanje prve pomoći, a ukoliko se ukaže potreba i prijevoz do najbliže zdravstvene ustanove za svakog učesnika utakmice kome je to potrebno.

PROPOZICIJE TAKMIČENJA



IZBOR NAJBOLJEG IGRAČA UTAKMICE

ČLAN 38.

Komesar takmičenja može u dogovoru i uz saglasnost RKS Tuzla sprovesti aktivnost za izbor najboljeg igrača utakmice.

U posebnom obrascu, koji na svakoj utakmici obezbjeđuje domaćin, po završetku utakmice treneri obje ekipe i komesar utakmice upisuju ime jednog igrača koji je po njihovom mišljenju najbolji igrač utakmice.

Rubriku u obrascu prvo ispunjava trener domaće ekipe, zatim trener gostujuće ekipe, te komesar utakmice. Komesar utakmice se zadužuje da obezbjedi anonimnost podataka iz obrasca za sve učesnike u utakmici.

OBILJEŽJA

ČLAN 39.

U dvoranama u kojima se odigravaju utakmice Lige mladih RKS Tuzla mogu biti istaknuta slijedeća obilježja: Državna zastava Bosne i Hercegovine. Uz državnu zastavu, može biti istaknuta i zastava entiteta, kantona, regije, grada i kluba.

Strogo je zabranjeno isticanjeobilježja koja vrijeđaju bilo kojeg učesnika utakmice.

Komesar utakmice od službenog predstavnika kluba domaćina može tražiti uklanjanje uvredljivih obilježja, transparenata, natpisa ili slično. Službeni predstavnik je dužan obezbjediti uklanjanje spornih obilježja.

UREĐAJI

ČLAN 40.

Domaćin je dužan u dvorani osigurati elektronsku opremu za vođenje rezultat, te mjerenje vremena utakmice i napada. Također domaćin je dužan obezbjediti i drugu opremu - pomoćne uređaje i to:

PROPOZICIJE TAKMIČENJA



- pokazivač alternativnog posjeda lopte
- pokazivače bonusa
- pokazivač ličnih grešaka

U dvoranama u kojima nepostoje elektronski uređaji domaćin je dužan obezbjediti i:

- Sat za mjerenje vremena (stolni)
- štoperica za mjerenje 14 i 24 sec. i minute odmora ,
- uređaj za objavljivanje posljednjih 10 sec napada (gong),
- pokazivač rezultata (ručni semafor)

U slučaju kvara na elektronskim uređajima domaćin je dužan obezbjediti alternativne uređaje naveden u ovom članu propozicija.

VII TOK UTAKMICE

ČLAN 41.

Početak utakmice i tok utakmice, regulisani su košarkaškim Pravilima.

Dvadeset minuta prije početka utakmice prvi sudija provjerava da li je domaćin udovoljio odredbama košarkaških Pravila i ovih Propozicija, da li se na igralištu nalaze pomoćne sudije, te da li su svi uređaji u ispravnom stanju.

Ukoliko se neki od uređaja pokvari za vrijeme utakmice, utakmica će se nastaviti uz pomoćne uređaje, koji su propisani pravilima igre.

ČLAN 42.

Način bodovanja i određivanje poretka ekipa obavlja se na temelju košarkaških Pravila.

PROPOZICIJE TAKMIČENJA



Ukoliko ekipa iz bilo kojih razloga napusti takmičenje ili odlukom Komesara takmičenja bude isključena iz takmičenja gubi pravo nastupa u Ligi mladih u narednoj takmičarskoj sezoni.

VII- POSTUPAK PROTESTA (ŽALBE)

ČLAN 43.

Ekipa može da uloži protest (žalbu) ako smatra da su njeni interesi drastično ugroženi, samo u slijedećim slučajevima:

- greškom u vođenju zapisnika, mjerenju vremena i perioda šuta,
- odlukom da se utakmica izgubi bez borbe, poništi, odloži, ne nastavi ili ne odigra,
- prekrše odredbe pravilnika o pravu nastupa igrača

Najavljeni protest(žalba) se u pismenom obliku unosi u posebnom izvještaju, najkasnije 20 minuta po završetku utakmice.

Podnosilac protesta obavezan je da u posebni izvještaj unese tačne i precizne navode zbog koji se žali.

Po prijemu protesta(žalbe) sudije utakmice i komesar daju svoje mišljenje i pismene izjave o navodima iznesenim u žalbi. Komesar je dužan žalbu sa prikupljenim izjavama odmah dostaviti Komesaru takmičenja.

Detaljnija obrazloženja žalbe, ekipa koja je uložila protest mora dostaviti u roku od 24 sata nakon odigrane utakmice.

Za svaku žalbu mora biti uplaćen iznos od 100 KM prvi radni dan po odigranoj utakmici, a dokaz o uplati dostaviti elektronskom poštom do 12,00 sati.

PROPOZICIJE TAKMIČENJA



ČLAN 44.

Žalba koja nije najavljena potpisom kapitena, koja nije na vrijeme uručena komesaru, te žalba za koju nije uplaćen iznos u vrijednosti 100 KM do utvrđenja termina neće se uzimati u razmatranje.

ČLAN 45.

Komesar takmičenja može žalbu usvojiti ili odbiti.

Kada žalbu odbije, utakmica se registruje postignutim rezultatom, a podnosiocu žalbe uplaćena taksa se ne vraća. Kada žalbu usvoji, utakmica će se poništiti i odrediti odigravanje nove, a podnosiocu žalbe uplaćena taksa se vraća.

Odluku o žalbi komesar takmičenja mora donijeti najkasnije u roku od 48 sati po odigranoj utakmici.

Komesar takmičenja svoju odluku saopštava putem fax-a ili emailom.

ČLAN 46.

Na odluku Komesara takmičenja nije dozvoljena žalba.

IX - KAZNENE ODREDBE

ČLAN 47.

Prekršaj ovih Propozicija kaznit će se na osnovu Člana 48..

Za teže prekršaje i prekršaje koji nisu predviđeni u Članu 48. ovih Propozicija primjenit će se odredbe Disciplinskog pravilnika KS BiH.

PROPOZICIJE TAKMIČENJA



ČLAN 48.

Utvrđeni su kriteriji novčanih i vremenskih kazni za sljedeće vrste prekršaja klubova, igrača, trenera i drugih službenih osoba i to:

KAZNE ZA TRENERE, IGRAČE, ZAMJENIKE i TIMSKE PRATIOCE:

- nakon dvije dosuđene tehničke greške igraču u toku sezone, igrač se suspenduje za narednu utakmicu
- svaka dosuđena tehnička greška treneru kažnjava se sa 20 KM
- svaka dosuđena isključujuća greška igraču kažnjava se suspenzijom za narednu utakmicu
- svaka dosuđena isključujuća greška treneru kažnjava se sa 30 KM
- prijava protiv trenera ili igrača, za koju se utvrdi da je opravdana kažnjava se suspenzijom se narednu utakmicu.
- Fizički obračun sa akterima utakmice tokom i nakon utakmice, suspenzija i pokretanje disciplinskog postupka
- Svako evidentirano javno komentarisanje (u medijima i društvenim mrežama) službenih osoba angažovanih na utakmicama Lige mladih, odluka komesara takmičenja, vrijeđanje i komentarisanje svih drugih učesnika u takmičenju po bilo kom osnovu, kažnjava se oduzimanjem licence igrača, trenera i drugih službenih lica.
- Igrači koji budu nastupali pod faslifikovanim imenima ili faslifikovanim godištim, kažnjavaju se suspenzijom do kraja sezone.
- Trener ekipe koja bude nastupila sa igračima koji imaju faslifikovana imena ili faslifikovana godišta, kažnjava se novčano sa 100 KM i 10 utakmica zabrane obavljanja bilo kakve dužosti na utakmicama ovog takmičenja.
- Ekipe u kojoj nastupaju igrači iz predhodnog stava gubi pravo nastupa za tekuću i narednu sezonu.
- Komesar takmičenja može donijeti i druge kaznene odluke koje nisu navedene u ovom članu u skladu sa odredbama drugih pravilnika i akata koja se primjenjuju u takmičenjima pod okriljem KSBIH.

PROPOZICIJE TAKMIČENJA



KAZNE ZA KLUBOVE:

- Loša organizacija utakmice, novčana kazna do 50 KM
- Ugrožena sigurnost učesnika utakmice, novčana kazna do 100 KM i mogućnost suspenzije dvorane
- Evidentirani incidenti sa fizičkim obračunom tokom i poslije utakmice, novčana kazna do 100 KM i mogućnost suspenzije i isključenja iz lige
- Evidentirano javno komentarisanje (u medijima i društvenim mrežama) službenih osoba, odluka komesara takmičenja, vrijeđanje i komentarisanje svih drugih učesnika u takmičenju po bilo kom osnovu, putem klupskih web stranica i stranica na društvenim mrežama, novčana kazna do 100 KM, u slučaju ponovljenog prekršaja izbacivanje iz lige.
- Klub može samo jednom da izgubi utakmicu bez borbe u slučaju da svojim djelovanjem sprečava nastavak igre ili odbije da igra nakon poziva glavnog sudije. U ponovljenom slučaju selekcija koja je po ovim osnovima izgubila utakmicu bez borbe, se diskvalifikuje do kraja takmičenja a klubu (svim selekcijama) se automatski uskraćuje pravo nastupa u narednoj takmičarskoj sezoni.

KAZNE ZA SLUŽBENA LICA (sudije i komesare utakmica)

- Evidentirano nesavjesno obavljanje dužnosti, novčana kazna do 50 KM i suspenzija do tri utakmice nedelegiranja
- Fizički obračun sa akterima utakmice tokom i nakon utakmice, brisanje sa liste službenih lica i pokretanje disciplinskog postupka
- Evidentirano javno komentarisanje (u medijima i društvenim mrežama) drugih službenih osoba, odluka komesara takmičenja, vrijeđanje i komentarisanje svih drugih učesnika u takmičenju po bilo kom osnovu, novčana kazna do 100 KM, suspenzija na određeni vremenski period ili do kraja sezone

PROPOZICIJE TAKMIČENJA



Sve ostale mjere koje nisu pokrivena članom 48. bit će tretirane na osnovu Propozicija i pravilnika KS BIH.

Izrečene kazne i zabrane izvršavaju se uplatom na žiro račun RKS TUZLA, a dokaz o uplaćenju kazni je potrebno sudijama ili komesaru na slijedećoj utakmici.

ČLAN 49.

O Disciplinskim prekršajima iz člana 48. ovih Propozicija koji se odnose na klubove, igrače, trenere, službene predstavnike ekipe, sudije i komesare na utakmicama Lige mladih RKS Tuzla u sezoni 2021/2022 godine odluke donosi Komesar takmičenja.

X - FINANSIJSKE ODREDBE

ČLAN 50.

Ekipe učesnice Lige mladih RKS Tuzla sezone 2019/2020 godine, snose svoje troškove takmičenja. Troškovi službenih lica se isplaćuju iz iznosa kotizacije čiji se iznos određuje na sastanku ligaša pred početak sezone.

Utvrđena je kotizacija za takmičenje u visini od 2000 KM za ekipe koje imaju sve tri selekcije odnosno 1500 KM za ekipe koje imaju dvije selekcije.

Prvi dio kotizacije potrebno je uplatiti do 20.10.2021. godine a drugi dio do 26.01.2022. godine. Ekipe koje ne izvrše uplatu prvog dijela kotizacije smatra se da odustaju od Lige i neće imati pravo nastupa u daljem takmičenju.

ČLAN 51.

Klubovi su obavezni finansijska potraživanja prema odluci komesara takmičenja o kotizaciji i novčanim kaznama uplatiti u roku određenom prema Propozicijama i Biltenima od dana prijema računa, odnosno od pravosnažnosti odluke.

PROPOZICIJE TAKMIČENJA



Ukoliko se finansijska potraživanja ne podmire u utvrđenom roku, klub je automatski suspendovan. Žalba na odluku ne odlaže njeno izvršenje.

Klub koji ne podmiri svoje finansijske obaveze prema Takmičenju, ili prema matičnom košarkaškom savezu, na osnovu odluke Komesara takmičenja, kao i na osnovu ovih Propozicija, ne može igrati utakmice u sljedećoj prvenstvenoj sezoni dok ne podmiri svoje finansijske obaveze.

ČLAN 52.

Slučajeve koji nisu predviđeni ovim Propozicijama, riješava Predsjedništvo RKS Tuzla.

ČLAN 53.

Ove Propozicije tumači Komesar zakmičenja i u iznimnim slučajevim Predsjedništvo RKS Tuzla.

Oktobar 2021. godine

Komesar takmičenja:
